



REPUBLIKA E SHQIPËRISË
GJYKATA E RRETHIT GJYQËSOR

TIRANË

Nr. Regj.Themletar 692/1018Nr.Vendimi 452

Data e regj.17.01.2022Datë 23.02.2022

V E N D I M

"NË EMËR TË REPUBLIKËS"

Gjykata e Rrethit Gjyqësor Tiranë, e përbërë nga:

GJYQTARE: REXHINA MERLIKA

Asistuar prej sekretare gjyqësore Aurora Cjapi, sot më date 23.02.2022, mori në shqyrtim çështjen penale me Nr.1018 akti, që i përket:

KËRKUES:Prokuroria pranë Gjykatës së Rrethit GjyqësorTiranë, përfaqësuar nga prokurori Gjergji Tako.

I PANDEHUR:Anxhelo Dashi, i biri i Ardian dheiValbona , idtl. 18,07.1998, lindurdhebanues ne Tirane, Rruga “Medar Shtylla”, Komuna e Parisit, pll.33, hyrja 33, shtetesi e kombesishqiptare, arsimi 9 vjecar, beqar, i padenuar, “Detyrim per t’u paraqitur në Policinë Gjyqësore”, identifikuar me karten e identitetit me nr. personal J80718052S, mbrojtur ne gjykim nga Av.Bardhi Koçi, me deklarim.

AKUZUAR:Për kryerjen e veprës penale“Prodhimi dhe shitja e narkotikëve”parashikuar nga neni 283/1 i Kodit Penal.

Gjykata pasi shqyrtoi çështjen në tërësi, dëgjoi palët, të cilat në diskutimin përfundimtar kërkuan:

Prokurori:Deklarimin fajtor të të pandehurit Anxhelo Dashi, për kryerjen e veprës penale “Prodhimit dhe shitjes së narkotikëve”, parashikuar nga neni 283, paragrafi i I-rë i K.Penal, dënimin e tij në bazë të nenit 283/1 të K.Penal me 5 (pesë) vjet burgim.Në zbatim të nenit 406 të K.Pr.Penale, të pandehurit t’i ulet 1/3 e masës së mësipërme të dënimit, duke e dënuar përfundimisht të pandehurin Anxhelo Dashi me 3 (tre) vjet dhe 4 (katër) muaj burgim.Në bazë të nenit 59 të K.Penal pezullimin e ekzekutimit të dënimit të mësipërm me burgim dhe vendosjen e të pandehurit në provë për një periudhë 2 (dy) vjeçare.Shpenzimet procedurale në fazën e hetimeve paraprake dhe shpenzimet gjyqësore në ngarkim të të pandehurit.

Av.Bardhi Koçi tha: Jemi dakort me llojin e denimit te kerkuar nga prokurori.

I pandehuri tha: Jam dakort me avokatin. Ndihem thellësisht i penduar per veprimet e kryera nga ana ime dhe premtoj se nuk do te perserise me veprime te tilla ne te ardhmen dhe kerkoj mëshirë nga gjykata.

VËREN

Prokuroria pranë Gjykatës së Rrethit Gjyqësor Tiranë ka paraqitur kërkesën me objekt gjykimin e çështjes penale në ngarkim të të pandehurit Anxhelo Dashi, i akuzuar për kryerjen e veprës penale “Prodhimi dhe shitja e narkotikëve” parashikuar nga neni 283/1 i Kodit Penal.

Ne seancën paraprake datë 23.02.2021 nga i pandehuri nuk u parashtrua asnjë pretendim pavlefshmërie, papërdorshmërie të provave, apo kërkim për marrjen e provave të reja, por u kërkua aplikimi i gjykimit të shkurtuar duke pranuar që gjykimi të zhvillohet në gjendjen që janë aktet në fashikullin e prokurorisë të sjellë për gjykim.

Në këto kushte gjykata bazuar në nenet 403, 332/dh gërma “c” (i ndryshuar me Ligjin Nr. 41/2021) dhe nenin 405/6 të K.Pr. Penale, pasi u njoh me aktet hetimore, vendosi të procedojë me gjykim të shkurtuar, duke çmuar për zgjidhjen e çështjes penale në gjendjen që janë paraqitur aktet nga organi i akuzës, pasi jo vetëm nga i pandehuri dhe mbrojtësi i tij nuk u paraqitën pretendime pavlefshmërie, papërdorshmërie apo marrje të provave të reja, por as nga gjykata nuk u konstatuan pavlefshmëri apo papërdorshmëri të provave.

Ky disponim i gjykatës është në përputhje me dispozitat procedurale të cilat parashikojnë gjykimet e posaçme si dhe të Vendimit Unifikues Nr.2, datë 29.01.2003 të Kolegjeve të Bashkuara, sipas të cilit ky lloj gjykimi i posaçëm eviton marrjen e provave në seancë gjyqësore dhe debatin lidhur me to. Ky gjykim i posaçëm bën që gjykimi të zhvillohet në tërësi sipas fashikullit të prokurorit, i cili kthehet në dosje gjyqësore dhe që përbën bazën e shqyrtimit të çështjes, çmuarjes dhe analizës së provave në gjendjen që kanë ardhur për gjykim.

Nga verifikimi në tërësi i akteve, gjatë shqyrtimit me gjykim të shkurtuar rezulton se: Në datën 13.04.2021 rreth ores 15.30 ne rrugen “Hasan Alla” punonjesit e policise te njesise Shigjeta kane bllokuar dhe kontrolluar shtetasin Anxhelo Dashi. Gjate kontrollit ne çanten e brezit i’u gjet dhe iu kap nje dese transparente e mbyllur me djegie ku brenda gjet lende e dyshuar narkotikekokaine. Eshte zhvilluar peshimi i kesaj lende dhe rezultoi nje mase prej 0.4 gram megjithe amballazh.

Eshte pyetur shtetasi Anxhelo Dashidhe ai shpjegoi se eshte perdorues episodik i lendes narkotike kokaine, jo ne vijimesi madje ne momentin kohor konkret shprehet se ka disa kohe qe nuk ka konsumuar kokaine.

Eshte kryer ekspertimi kimik nr.shte kryer ekspertimi kimik nr.9 date 17.06.2021 ku u percaktua se kemi te bejme me kokaine ne masen 0.403gram pa amballazh. Eshte kryer ekspertimi toksikologjik nr.950 date 26.04.2021 ku u percaktua Anxhelo Dashi nuk eshte perdorues i kokaines.

Në këto rrethana prokurori ka konkluduar se i pandehuri Anxhelo Dashime veprimet e tij të kryera me dashje ka konsumuar elementët e veprës penale “Prodhimi dhe shitja e narkotikëve” parashikuar nga neni 283/1 i Kodit Penal.

Nga ana e prokurorit të çështjes është kërkuar deklarimin fajtor të të pandehurit, Anxhelo Dashi, për kryerjen e veprës penale “Prodhimit dhe shitjes së narkotikëve”, parashikuar nga neni 283, paragrafi i I-rë i K.Penal, dënimin e tij në bazë të nenit 283/1 të K.Penal me 5 (pesë) vjet burgim. Në zbatim të nenit 406 të K.Pr.Penale, të pandehurit t’i ulet 1/3 e masës së mësipërme të dënimit, duke e dënuar përfundimisht të pandehurin Anxhelo Dashi me 3 (tre) vjet dhe 4 (katër) muaj burgim. Në bazë të nenit 59 të K.Penal pezullimin e ekzekutimit të dënimit me burgim dhe vendosjen e të pandehurit në provë për një periudhë 2 (dy) vjeçare.

Ndërsa mbrojtësi i të pandehurit Av. Bardhi Koçi u shpreh se është dakort me llojin e dënimit të kërkuar nga prokurori.

I pandehuri deklaroi se është dakort me avokatin, ndihet thellësisht i penduar për veprimet e kryera dhe se premtonte se nuk do të perserise me veprime të tilla në të ardhmen duke kërkuar mëshirë nga gjykata.

Vlerësimi i gjykatës

Në rastin konkret gjykata i referohet nenit 283/1 të K.Penal i cili parashikon “*Shitja, ofrimi për shitje, dhënia ose marrja nëçdo formë, shpërndarja, tregtimi, transportimi, dërgimi, dorëzimi si dhe mbajtja, përveç rastit të përdorimit vetjak dhe në doza të vogla, të substancave narkotike dhe psikotrope, si edhe i farërave të bimëve narkotike, në kundërshtim me ligjin, ose në kapërcim të përmbajtjes së tyre, dënohet me burgim nga pesë gjer në dhjetë vjet.*”

Nga interpretimi i dispozitës së cituar më lart, arrihet në përfundimin se ligjvënësi ka parashikuar një mbrojtje të posaçme, për një marrëdhënie juridike të rëndësishme, siç është ajo e vendosur nga shteti për të siguruar rendin dhe sigurinë publike, veçanërisht jetën dhe shëndetin e personit, rregjimin juridik për shitjen, dhënie, marrjen dhe mbajtjen e substancave narkotike dhe psikotrope, të mbrojtura me legjislacionin tonë penal edhe Ligjit Nr.7975, datë 26.07.1995 “Për barnat narkotike dhe psikotrope” nga veprimet apo mosveprimet kriminale.

Nga ana objektive, i pandehuri Anxhelo Dashi, me veprime aktive, të kundraligjshme, ka konsumuar, elementët e kësaj vepre penale në formën e mbajtjes prej tij me datën 13.04.2021 rreth orës 15.30 në rrugën “Hasan Alla” ku është kapur në flagrancë nga punonjësit e policisë të njësive Shigjeta. Gjate kontrollit në çanten e brezit i’u gjet dhe iu kap një qese transparente e mbyllur me djegie ku brenda gjet lende të dyshuar narkotike kokaine. Nga peshimi i kësaj lende ka rezultuar në masë prej 0.4 gram megjithë amballazh.

Shtetasi Anxhelo Dashi ka shpjeguar se është përdorues episodik i lëndës narkotike kokaine, jo në vijimesi madje në momentin kohor konkret shprehet se ka disa kohe që nuk ka konsumuar kokaine.

Nga akti ekspertimi kimik nr.9 datë 17.06.2021 është përcaktuar se lenda e sekuestruar është e llojit kokaine në masën 0.403 gram pa amballazh.

Ndërsa nga akti ekspertimit toksikologjik nr.950 datë 26.04.2021 ka rezultuar se shtetasi Anxhelo Dashi nuk është përdorues i kokainës.

Në rastin konkret duke analizuar këtë element të veprës penale gjykata referohet jo vetëm në dispozitën konkrete penale, por edhe unifikimin e praktikës gjyqësore të Kolegjeve të Bashkuara të Gjykatës së Lartë.

Kështu sipas Vendimit unifikues Nr.1, datë 27.03.2008 të Gjykatës së Lartë, gjyqësori vlerëson se, përgjegjësia penale në kryerjen e kësaj vepre penale kushtëzohet domosdoshmërisht nga ekzistenca bashkarisht e dy kërkesave ligjore: së pari i pandehuri të jetë përdorues i lëndëve narkotike dhe se dyti mbajtja prej tij të mos jetë e një dozetë vogël për një përdorim të vetëm. Në rastin konkret, duke qenë se sasia e lëndës narkotike prej rreth 0.403gram, "kokaine" sekuestruar të pandehurit referuar praktikës gjyqësore tashme të unifikuar krijon bindjen se nuk është për një përdorim vetjak të vetëm.

Po kështu, në rastin specifik të trajtuar nga Gjykata e Lartë në disponimin e saj për unifikimin e praktikës gjyqësore, kjo e fundit ka evidentuar së sasia e lëndës narkotike sekuestruar të pandehurit në atë rast nuk ishte për një përdorim të vetëm, por për disa të tilla dhe gjatë gjithë ditës (siç është rasti konkret objekt shqyrtimi), duke konkluduar se ndodhemi para kryerjes së veprës penale të parashikuar nga neni 283/1 i K.Penal e kryer në formën e mbajtjes së lëndës narkotike.

Në vendimin nr.63 datë 29.02.2012 Kolegji Penal i Gjykatës së Lartë ka përcaktuar se:
“Përcaktimi i sasisë së përdorimit vetjak në mungesë të një përcaktimi nga një akt ligjor nga ana e ekspertit toksikologjik duhet të kryhet mbi bazën e një vlerësimi të dalë në bazë të një studimi të përgjithshëm të fenomenit të varësisë nga droga të një subjekti përdorues, ku të përcaktohen kufijtë maksimalë të dozës për përdorim ekskluzivisht personal për çdo substancë narkotike apo psikotrope. Në çdo rast eksperti duhet të përcaktojë për çdo lloj të lëndës narkotike: a) dozën mesatare të vetme e kuptuar si sasia e substancës aktive për çdo marrje të vetme, e aftë për të prodhuar tek një subjekt përdorues dhe dependent një efekt psikotrop; b) frekuencën mesatare të përditshme të marrjes; c) sasinë e substancës aktive të marrjes në mënyrë të përditshme; d) fuqinë për të shkaktuar ndryshime të sjelljes dhe rënie të aftësive psikomotorë.”

Gjithashtu si element referues për gjykatën për të bërë këtë dallim duhet të jenë dhe rrethanat konkrete, siç mund të jenë: vendi i kapjes, vendi se ku mbahet lënda narkotike, mënyra e paketimit apo sasia e të ardhurave që ka individit të cilat mund të justifikojnë qëllimin e blerjes. Të gjithë këta elementë bëjnë dallimin midis mbajtësit për qëllim shitje, i cili është edhe subjekti i veprës penale dhe përdoruesit si viktimë e fenomenit të drogës”. Nga faktet objekt hetimi rezultojnë këto të dhëna: Lënda e sekuestruar të pandehurit Anxhelo Dashi është lëndë narkotike e llojit kokainë; Sasia dhe lloji e lëndës së sekuestruar të pandehurve në bazë të ligjit nr.7975, datë 26.07.1995 "Për lëndët narkotike dhe barnat psikotrope" konsiderohet si lëndë narkotike; I pandehuri nuk është përdorues i lëndëve narkotike (toksikologjik); Lënda e kapur në një dozë ka peshë të përgjithshme të homogjenizuar dhe pa ambalazh prej 0.403gram;

Me veprimet e tij aktive, të kundërligjshmei pandehuri me marrjen dhe mbajtjen prej tij në çantë jo për përdorim vetjak, provon lidhjen e drejtëpërdrejtë shkakësore të veprimeve të tij me gjetjen dhe sekuestrimin e lëndës narkotike, për shkak të posedimit të saj nga ai.

Nga kjo analizë gjykata krijon bindjen se veprimet e kryera nga i pandehuri në mbajtjen e lëndës narkotike janë kryer në kundërshtim me parashikimin në dispozitat e Ligjit Nr.7975, date

26.07.1995 “Për barnat narkotike dhe psikotrope”, të ndryshuar, ligj i cili e klasifikon “Kokaine” si lëndë narkotike.

Subjekti i kryerjes së kësaj vepre penale është pandehuri i cili nga provat e adminstruara në fashikullin e gjykimit rezulton të jetë madhor dhe i përgjegjshëm para ligjit.

Nga ana subjektive, veprat penale janë kryer nga i pandehuri Anxhelo Dashime faj në formen e dashjes direkte, pasi i pandehuri ka parashikuar kundërligjshmërinë veprimeve të tij dhe pasojat e tyre.

Sa më sipër, rezultoi e provuar fajësia e të pandehurit në kryerjen e këtyre veprave penale nga provat e adminstruara si dhe është pranuar nga i pandehuri autorësia e tyre në hetimin e gjykimin e çështjes.

Lidhur me llojin dhe masën e dënimit që duhet të caktohet për të pandehurin, gjykata referohet në nenet 47, 48/ç, 49, 59, 60 të K. Penal, lloji i dënimit për veprat penale të kryera nga i pandehuri përcaktohet nga vetë ligji, neni 283/1 i K. Penal i cili parashikon: “...dënohet me burgim nga pesë gjer në dhjetë vjet”, ndërsa nga neni 291 i K. Penal parashikohet denim me burgeim deri ne tre vjet. Këto dispozita, siç shihet, kanë përcaktuar vetëm një lloj dënimit të burgim.

Për sa i përket masës së dënimit, gjykata mban parasysh: Rrezikshmërinë e veprës penale të kryer nga i pandehuri dhe të pasojës së saj. Në këtë kuadër gjykata vëren se vepra penale e "Prodhimit dhe shitjes se narkotikeve", është parashikuar në K. Penal si krim, gjë që tregon çmimin që legjislatori i ka bërë rrezikshmërisë së kësaj vepre. Gjithashtu, gjykata mban parasysh marrëdhëniet juridike që kjo vepër prek ose çënon, që janë marrëdhëniet juridike të vendosura nga shteti për të siguruar siguruar rendin dhe sigurinë publike, veçanërisht jetën dhe shëndetin e personit, rregjimin juridik për shitjen, dhënien, marrjen dhe mbajtjen e substancave narkotike dhe psikotrope, të mbrojtura posaçërisht nga legjislacioni penal nga veprimet ose mosveprimet e kundërligjshme, si dhe faktin që kjo vepër dënohet me vetëm me burgim në një minimum pesë vjet deri në 10 vjet. Por gjykata merr parasysh sasinë e lëndës narkotike kokainë të sekuestruar e cila është e vogël.

Rrezikshmërinë e autorit i cili rezultoi me gjendje gjyqësore i padënuar dhe rrethanat që lidhen me gjendjen sociale e shoqërore të tij. Rrethanat lehtësuese, ku në rastin konkret i pandehuri tregoi në gjykim pendim të thellë, fakt i cili përbën rrethanë lehtësuese parashikuar nga neni 48/ç të K. Penal; Faktin se i pandehuri nuk është përsëritës, ai rezultoi të jetë i padënuar më parë dhe në gjykim ai e pranoi fajësinë, gjykata çmon si rrethanë lehtësuese bazuar në nenin 49 të K. Penal. Formën e fajit, i pandehuri e ka kryer veprën me dashje direkte.

Duke vlerësuar rrethanat e çështjes në zbatim të ligjit, kjo gjykatë vlerëson se kërkesa e prokurorit lidhur me llojin dhe masën e dënimit është e përligjur, ndaj i pandehuri duhet deklaruar fajtor dhe dënuar me 5(pesë) vjet burgim, për veprën penale të parashikuar nga neni 283/1 i Kodit Penal. Në zbatim të nenit 406/1 të Kodit të Procedurës Penale, të pandehurit duhet t'i i ulet 1/3 (një e treta) e dënimit, duke e dënuar përfundimisht me 3(tre) vjet 4(katër) muaj burgim. Ky dënim me burgim duhet pezulluar duke u referuar në nenin 59 të Kodit Penal, duke çmuar se koha e provës lidhur me masën e dënimit me burgim si dhe me rrethanat e mësipërme ajo duhet të jetë për të pandehurin për një periudhë kohe 3 (tre) vjet.

Aplikimi i këtij dënimi alternativ është në përputhje të plotë me rëndësinë e faktit, rrethanat e kryerjes së veprës penale dhe realizon plotësisht qëllimin kompleks të dënimit penal për ndëshkimin, riedukimin e të pandehurit dhe parandalimin e përhapjes së veprave penale në shoqërinë tonë.

Në kushtet e aplikimit të pezullimit të ekzekutimit të vendimit me burgim gjykata në zbatim të nenit 389 të K.Pr.Penale deklaroi heqjen e masës së sigurimit “Detyrim për paraqitje në policinë gjyqësore”, caktuar ndaj të pandehurit me vendimin Nr.624 akti, dt.17.04.2021 të Gjykatës së Rrethit Gjyqësor Tiranë.

Gjithashtu gjykatë është e detyruar në zbatim të nenit 190/1/b të K. Pr.Penale, që të disponojë për prova materiale sekuestruar sipas proces-verbalit date 13.04.2021, (lënda narkotike e llojit kokaine, 0.403 gram) e cila duhet të asgjësohet.

Sa më sipër gjykata disponon në referim të nenit 393 të K.Pr. Penale lidhur me pagimin e shpenzimeve procedurale të hetimeve paraprakë të vlerën 10.500 (dhjetë mijë e pesëqind) lekë, si dhe shpenzimet gjyqësore të ngarkohen të pandehurit.

PËR KËTO ARSYE

Gjykata bazuar në nenet 283/1e 47, 48, 49, 59, të K. Penal e 379, 384, 390, 391, 393, 406/1 të K.Pr. Penale.

V E N D O S I

1. Deklarimin fajtor të të pandehurit Anxhelo Ardian Dashi për kryerjen e veprës penale “Prodhimi dhe shitja e narkotikëve”, parashikuar nga neni 283/1 i Kodit Penal dhe dënimin e tij sipas kësaj dispozite me 5 (pesë) vjet burgim.

2. Në zbatim të nenit 406/1 të Kodit të Procedurës Penale, të pandehurit Anxhelo Ardian Dashi i ulet 1/3 (një e treta) e dënimit të dhënë, duke u dënuar përfundimisht me 3 (tre) vjet e 4 (katër) muaj burgim.

3. Në bazë të nenit 59 të Kodit Penal urdhërohet pezullimi i ekzekutimit të dënimit me burgim ndaj të pandehurit Anxhelo Ardian Dashi, për pjesën e dënimit të mbetur, duke e vënë në provë të pandehurit për një periudhë kohe 3 (tre) vjet, me kusht që të mbajë kontakte me Zyrën Vendore të Shërbimit të Provës Tiranë, gjatë kësaj kohe i pandehuri të mos kryejë vepra tjetër penale.

4. Në zbatim të nenit 60, pika 9 të Kodit Penal, i pandehuri Anxhelo Ardian Dashi urdhërohet që gjatë periudhës së provës të mos shoqërohet me persona të dënuar me parë.

5. Në zbatim të nenit 59/4 të Kodit Penal afati i provës për të pandehurin fillon nga nesërmeja e shpalljes së vendimit të gjykatës.

6. Në zbatim të nenit 389 të K.Pr.Penale deklarohet heqja e masës së sigurimit “Detyrim për paraqitje në policinë gjyqësore”, caktuar ndaj të pandehurit Anxhelo Ardian Dashi me vendimin Nr.624 akti, dt.17.04.2021 të Gjykatës së Rrethit Gjyqësor Tiranë.

7. Në zbatim të nenit 190/1 gërmat “b” të K.Pr. Penale, prova materiale e sekuestruar sipas proces-verbalit date 13.04.2021, (lënda narkotike e llojit kokaine, 0.403 gram) të asgjësohet.

8. Shpenzimet procedurale në fazën e hetimeve paraprake si dhe shpenzimet gjyqësore të ngarkohen të pandehurit.

9.Kundër vendimit mund të bëhet ankim nga palët brenda 15(pesëmbëdhjetë) ditëve në Gjykatën e Apelit Tiranë, duke filluar ky afat nga e nesërmbja e njoftimit të këtij vendimi.

U shpall ne Tirane sot me datë 23.02.2022

SEKRETARE GJYQTARE

AURORA CJAPI

REXHINA MERLIKA

SHPENZIMET GJYQËSORE

Për njoftime	150 Lekë
Shpenzimet hetimore:	10.500Lekë